

Victoza (liraglutide)

(Faaleo 'vic-toe-za') (Faaleo 'lee-ra-GLOO-tide')

E faaoga le Victoza (liraglutide) e togafitia ai le ma'i suka o le ituaiga type 2.



E tuutiitia le suka i lou toto i auala nei:

- e fesoasoani i le atepili e gaosia hormone e faaititia le suka o le toto pe a uma na e tausami
- iloa ai le vave faagaioia e lou tino o meaai, ma
- tuutiitia lou fia 'ai.

E puipuia ai foi ma ou fatugao ma tuutiitia lamatiaga e ono oso ai se ma'i fatu po o se stroke. E ono fesoasoani foi le fualaa lenei e faaititia le mamafa o lou tino ma faafualoaina lou soifua.



Manatua: E LĒ o se fualaa e faatupuina hormone e pulea le aofaiga o le suka i le toto. O se fualaa e fesoasoani i lou tino e faaoga hormone e pulea le aofaiga o le suka i le toto pe a moomia, ma le maualuga o le suka i lou toto.

E faatumu le tui e foliga o se peni i le Victoza (liraglutide).

- E tui ai le pa'u o lou tino.
- E faatasi na tui i le aso i le taimi lava e tasi, e mafai na fai faatasi ma se meaai pe leai foi.
- E tatau na faaoga se nila fou i taimi uma e tui ai.
- E mafai e le auaunaga faalesoifua maloloina o vaaia oe ona faasino atu le faiga e faaoga ai le peni.

Afai ua misi se tui



Afai ua misi se tui **i totonu o le 12 itula** o le taimi e masani na tui ai, fai loa i le taimi lava lea.




Afai ua misi se tui **ma ua silia ma le 12 itula**, faamisi ma faatali mo le isi taimi e masani na tui ai.



Aua le faia se tui faaopoopo e tau faapaleni ai le tui na misi.

Tagai i le lisi o aafiaga e aliae o tusia i le itulau o sosoo ai

Sui le vaega o le tino e tui i aso taitasi



- E sili ona lelei le fai o le tui i ou auaga, o luga a'e o le manava po o le pito i luga o lou ogalima.
- E mafai na fai i le vaega lava e tasi o le tino ae ia ese mai le mea tonu na tui muamua.
- Aua le faia le tui i mea ua masaesae o le tino, se mea o tiga, totoulia, mūmū, malo po o ma'ila.

Afai e te lē o malosi

E lē masani ai na aliae ni faaletonu mai le fualaa lenei, pe afai e te lē o malosi lelei.

Ae lelei lou talanoa i lau fomai e masani na vaaia oe pe afai ua e ma'i, tatā le manava ma ua lē tutusa lau 'ai ma le inu e pei ona e masani ai.

E ono moomia na taofi au tui seia e malosi lelei.

Ma'itaga ma aiga fuafuaina



Afai o e tō, po o e masalomia ua e tō, po o fuafua e fai se pepe, saili se fautuaga mai le auaunaga faalesoifua maloloina o tausia oe talu ai e lē o fautuaina le fualaau lenei mo ē o ma'itaga.

E ono aogā le Victoza (liraglutide) i nisi o tamaitai o fia fai se pepe. Afai e tele na e feusuai ae e te lē o manao e te tō, fai se aiga fuafuaina.

Aua ne'i velasia pe laina lau peni

A o lei tatalaina: Tuu i le pusa'aisa, i le pusa na avatu ai. Aua le faaaogaina pe afai ua malo.

A o faaaogaina: Teu i se mea mafanafana (lalo ifo ma le 30°C) mo le umi e oo atu i le 30 aso (1 masina). E tataua na sui i se isi peni fou pe a uma le 30 aso.

Faamau lelei le tapuni pe a lē o faaaogaina, e puipuia ai le vailaau mai le malamalama.

Tiai lelei nila na faaoga

Aua le tiāia i le falelēta'ua, po o kalone lapisi.

E mafai na faatau mai le faletalavai container mo mea maama'ai. Toe ave i le faletalavai e tiai ai, pe a tumu.



Tautuana e teu faalelei i se mea nila e lē mafai na lote e tamaiti ma lavea ai fagafao.



Mo nisi faamatalaga i le Victoza (liraglutide), **tagai i le [hn.org.nz/Victoza](https://www.hn.org.nz/Victoza)**

E leai ma se fualaau e aunoa ma ni aafiaga

E iai aafiaga o le faaaogaina o le Victoza (liraglutide), e ui e lē o tagata uma e aafia ai.

Aafiaga taatele

O aafiaga nei e feololo ma toe te'a atu. Talanoa i le vaega o le soifua maloloina o tausia oe, pe afai ua telē se faaletonu mai aafiaga nei po o le lē te'a lava:

- faama'ima'i (faaufaufau)
- mūmū, mageso, totoulia le vaega o le tino na tui
- manava tatā, faigata na fai se feaumamao (mamau le manava), tiga le manava
- tiga le ulu.

Aafiaga ogaoga, ma e seāseā tupu

Faafesootai le vaega o le soifua maloloina o vaaia oe po o le **Healthline i le 0800 611 116** i le taimi lava ua e maitauina ai:

Faailoga ua fula le atepili e pei o le:

- tiga tutui o lou manava ma le tua.

Faailoga o le maualalo o le suka i le toto e pei o le:

- tiga o le ulu
- gatete (faamaalili)
- nenefu le vaai
- vaivai le tino, tau matapogia, niniva po o le maitaita gofie.

Faailoga o se mea na ilitata ai le tino e pei o le:

- fufula foliga, laugutu, laulaufaiva po o le faaī
- faafaigata le mānava po o le folo o meaai
- sasao tele le mūmū po o le mageso.